

Claudii Fleurii Abbatis Historia Ecclesiastica

Ab anno Christi 1400. usque ad annum 1415 - Unacum Dissertatione
Præliminari Ad Historiam Sæculi XV.

Fleury, Claude

August. Vind. [u.a.], 1767

VD18 90118286

§. 31. Ladislaus ab Innocentio in possessione regni Neapolis confirmatus.

[urn:nbn:de:hbz:466:1-66281](#)

Sæcul. XV. *Urbis, quique ad præsens in dicti Pontificis præsentia eligi debeant, & in ejus manibus præstare juramentum, deinceps vero in præsentia Senatoris: officium eorum duret spatio duorum mensium: habeant facultatem duntaxat exigendi, & expendendi Reipublicæ Romanæ proventus, de aliis quibuscunque causis omni jurisdictione ipsi interdicta. Denique nec populus Romanus, nec Officiales quemcunque cum atquo numero armatorum, aut aliquos nuncios Antipapæ, vel ei adhærentium in urbem recipere, admittere, vel audire possint. Pax quidem hisce conditionibus firmata reddiit, sed haud diu admodum perduravit; nam Ladislaus Romanam urbem in suam potestatem redigere intentus, unice eo sua convertit studia, ut dissensionis flamas, quas extinguere sese simulabat, eo vehementius accenderet.*

§. XXXI.

Ladislaus ab Innocentio in possessione Regni Neapolis confirmatus.

Decret. In-
not. pro I.a-
disl. apud
Raynald.

Neо-electus Pontifex non minus Regis hujus potentiam veritus, quam in e-
jus amicitia plurimum præsidii collo-
cans, in illius favorem authenticum con-
fecit instrumentum, vi cuius sane de pa-
ce Ecclesiæ reddenda conclamatum esse
crede-

Sæcul. XV.
A.C. 1404.

credebatur; Nam Ladislaum suspicio-
ne, qua ipsum Ludovico Andegavensi
patrocinaturum metuebat, liberatus
undecima Novembbris die Decretum, si-
ve Bullam edidit, declaravitque, nec se,
nec suos Cardinales de restituenda Ec-
clesiæ unione ulterius acturos, nisi prius
de utriusque partis consensu Ladislaus
Rex in plena, ac pacifica Regni Neapolis
possessione decerneretur, prohibitis omni-
bus adversus eum quovis pacto attentan-
dis. Sane hæc provisio Ladislao admo-
dum necessaria erat, timebat enim, ne
Galli, constituta semel Ecclesiarum con-
cordia, iterum in Italiam penetrarent, ut
Ludovicum Andegavensem in pristinam
Regni Neapolitani possessionem induce-
rent. Cum autem Pontifex hac sua
Apostolica sanctione Ludovici jura pa-
lam infringeret, facile prævideri poterat,
nec Gallos, nec Galliæ Cardinales un-
quam talibus concordiæ legibus con-
fensuros. Ex quibus haud temere as-
severamus, Innocentium Papam existi-
masse, a se Cardinalem Bonnoniensem
a juramento in Conclavi præstito, dum-
modo fideles exempli pravitate non of-
fenderentur, absolvvi posse.

§. XXXII.